



Angajoqqaat sulingiffeqartarnerat pillugu malittarisassani atuuttut allanngortinnissaannut siunnersuusioqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasilluni sulingiffeqartarneq sapaatip akunnerinik sisamanik sivitsorneqartussanngorlugu. Allanguut atuutilissaaq ulloq 1. juuli 2019 aallarnerfigalugu.

(Inatsisartuni ilaasortaq Randi Vestergaard Evaldsen, Demokraatit)

(Siullermeerneqarnera)

Aallaqqaammut siunnersuuteqartoq qutsavigerusupparput siunnersuut manna saqqummiuteqqimmagu.

Kiammi kissaatiginngilaa qitornami ilangisarnerunissaat. Meeqqap inunngoqqaarfiata nalaa piffissaavoq pingaarutilerujussuaq. Tassani ilisarisisamaqatigiillernissaq aallarnerneqartarpoq aamma ilaqutariittut ataqatigiinneq nukittorsarneqartarpoq. Tassani naalugiarsup inuunermi sinneranut sunnerneqartarpoq aamma taamaattumik siunnersuuteqartoq isumaqatigilluinnarparput inuiaqatigiittut innuttaaqatitaanngugut sapinngisannguatsinnik tikilluaqqulluartaqarigut.

Maluginiarparput Naalakkersuisut akissummini pingaartikkaat pingaarutilinnik iluarsartuussisoqalernera. Tamanna nuannaarutigaarput aammami Demokraatini tamanna sivisuumik kissaatiginikuuarput. Taamatulli oqareerluta naleqqututut isiginngilarput ilaqutariit meerartallit aningaasaqarnerat tunngavilersuutitut atornerqarmat. Tamanna uani siunnersuummi qitiutinneqanngilaq.

Naalakkersuisut akissummini ilaatigut allapput erninermut atatillugu aningaasaateqarfissaaq pillugu inatsisissatut siunnersuut massakkorpiaq aallartisimaleritsik. Tamannalu matumanna siunnersuummik itigartitsinissamat tunngavilersuutitut atornerqarpoq. Tamanna tunngavigalugu kissaatigaarput erninermut aningaasaateqarfik pillugu apeqqutigut uku Naalakkersuisut akissagaat:

1. Naalakkersuisu taggiinerat naapertorlugu erninermut atatillugu aningaasaateqarfimmik pilersitsineq qanoq akeqassava?
2. Erninermut atatillugu aningaasaateqarfimmut kikkut akiliisassappat aamma kikkut akiliisassanngillat?
3. Kikkut erninermut atatillugu aningaasaateqarfimmit aningaasanik pisinnaassappat aamma kikkut pisinnaassanngilat?
4. Naalakkersuisut takorloornerlugu Namminersorlutik Oqarutssat erninermut atatillugu aningaasaateqarfimmut aningaasalersuissasut aamma taamaassappat aningaasalersuinissaaq tamanna Naalakkersuisut qanoq ilillutik isumaginiarpaat?

Naalakkersuisut siunnersuut manna Randi Veswtergaard Evaldsenimeersoq itigartinniarlugu aningaasat tunngavilersuutitut atorpaat taamaattumik Naalakkersuisut apeqqutit taariikkakka akisariaqarpaat paasiniassagatsigu Naalakkersuisut erninermut atatillugu aningaasaateqarfimmik pilersitsiniarnerat



aningsaatigut qanoq kinguneqassanersoq. Taamaanngippat aningaasartuutini
assersuussisinnaanngilagut.

Paatsoorniaqinasinnga. Isumaqarpunga isornartuusooq arnat ernisinnaasut suliffeqarnermi
kingulliunneqartarnerat pissutiginnarlugu suliffeqarfiit naartunerup nalaani tamakkiisumik
akissarsiaqartitsisarnissaat. Arnatut ernisinnaasutut isumaqarpunga naleqqutinngitsoq naartulernissannut
periarfissarissaarama ukiukka piinnarlugit sulisitsisuma tunulliussinnaappanga. Imaassimappat
naligiisitaaneq inuiaqatigiinnit taamatut isigineqartoq taava isigiarsussimaqaagut. Taamaasimappat
isumarput allanngortittariaqarparput - namminersorlutillu oqartussat aningaasalersungaannik
aningaasaateqarfimmik sussa pilersitsinata.

Demokraatini angerparput angajoqqaat sulinggiffeqartarnissaasa sivitsorneqarnissaat. Angerparput
angajoqqaanngorlaat naalugiarsuutaasalu pitsaanerusumik aallartittarnissaat. Aamma neriuppugut partiit
allat Naalakkersuisut itigartikkumaaraat uangullu isumaqatigaluta.

Tamanna tunngaviglaugu siunnersuut suliareqqitassanngorlugu Ilaqutariinnermut Peqqissutsimullu
Ataatsimiititaliamut innersuupparput.